

## Jesus ( Text per il scalem bass e mesaun )

Da gliez temps, avon ussa pli che 2000 onns fuva in schliet temps per il pievel en Israel. Igl imperatur roman Augustus scheva alla glied tgei ch'ei hagien da far ni laschar.

En quei temps ei Jesus naschius. Siu bab haveva num Giusep. El fuva lennari. Sia mumma haveva num Maria. Ensemen vivevan els el marcau da Nazareth, in vitget en Gallilea.

Negin sa denton co Jesus veseva propi ora. Negin ha da lezzas uras dessegnau dad el in maletg. In apparat da fotografar deva ei aunc buca. Mintga artist ha figurau pli tard Jesus, co el tertgava, ch'el vesevi ora.

Co ha Jesus viviu sco affon? Saveva tut la glied che Jesus era in affon special? Haveva Jesus amitgs ed amitgas per far termagls? Ha el pli tard empriu in mistregn? La Bibla dat bunamein neginas rispostas a quellas damondas. Mo igl ei fetg probabel che Jesus era in mat sco tut ils auters era. Perquei ha el probablamein era fatg lumparias cun ses cumpogns e sias cumpognas.

Mintgacass ha Jesus schizun saviu frequenter la scola. Quei secapeva da gliez temps buca da sesez. L'instrucziun ha giu liug en la sinagoga. La sinagoga ei per ils gedeus la casa da sentupada, la casa per far oraziun e scola el medem temps. En Israel fagevan mo ils mats quei. Cun siat onns ha il temps da scola entschiet.

Ordavon han ils affons denton empriu bia dalla mumma, e pil solit ein els vegni instrui en scriver e leger era dil bab. Mintga scolar possedeve mo in unic cudisch. Quei era la Bibla. Cun quella empredevan ins da leger e da scriver.

Mintga sabbat, nossa sonda, ei en la sinagoga survetsch divin. Leu ha Jesus empriu ella Tora ( ina part da nossa Bibla ) da leger. Aschia ha el empriu bia sur da Diu. Jesus era in num usitau tier ils gedius. Probablamein ha Jesus viu il marcau da Jerusalem per l'emprema gada cun dudisch onns.

Las famiglias a Nazaret vivevan da maniera sempl. Ellas possedevan negins daners per cumprar vivonda. Lur paun da mintgadi era per ellas delicatessa avunda. Leutier buevan ei bugen in migiel aua. Aua e paun regalavan veta e tuccavan perquei tier mintga past. Las dunnas savevan che lur lavur era necessaria per lur famiglias. Ei fuva lur grond giavisch, ch'ei mondi bein cun tuts en casa. Mintga di vegneva mulau graun e fatg paun.

La sera magliavan ins il past principal. Tuts semettevan per tiara entuorn ina tuaglia nua che las spisas eran plazzadas. Mo glied signurila els marcaus possedevan ina meisa per seser entuorn e magliar.

Cura che tuts eran seradunai entuorn las spisas, ha il bab urau. El ha engraziàu a Diu per la vivonda. Suenter ha el rut il paun e repartiu quel a tuts. Sco spisa principala deva ei fava ni lentelgias cotgas. Leutier han ins era surviu fretgs, caschiel ni pischada e mel. Ins bueva aua e latg dulutsch ed asch. Carn han ins magliàu mo tier occasiuns festivas sco nozzas, tier naschientschas alla fiasta dalla raccolta ni cu ins haveva visetas. La glied pli paupra saveva seprestar mo carn che fava bienmarcau. Il pli bienmarcau fuvan paslers. Tier ina buna tschaver tuccava era vin.

Ils hosps vegnevan tractai sco retgs. Era jasters vegnevan retscharts bugen. A hosps vegneva purschiu in dormitori, la pusseivladad da salavar e da magliar. Tut las famiglias eran fetg hospiteivlas, las paupras gest ton sco las rehas.

Cura che Jesus ei staus gronds, eis el ius ora sin la tiara ed ha raquintau a tuts da Diu. El ha detg ad els: Diu ha tarmess mei tier vus. Ed el ha gidau biars carstgauns ch'eran trests ni malsauns.

Jesus haveva 12 giuvnals. Quei fuvan amitgs ch'eran adina tier el. Els mavan cun Jesus tras la tiara. Els tedlavan, tgei che Jesus scheva alla glied ed els vesevan co el gidava ils carstgauns. Pli tard han ei raquintau vinavon tut tgei che Jesus veva fatg e detg. Las historias ch'els han raquintau ein pli tard vegnidas screttas sin pupi. Nus enconuschin aunc oz ellas.

Ellas sesanflan ella Bibla, el Niev Testament. Oz ei Jesus enconuschents sigl entir mund. Dapertut dat ei la Bibla.

Translaziun libra: Vitus Dermont

**Zacontas damondas tier la veta da Jesus /**

**Finescha las construcziuns!**

Igl imperatur roman haveva num \_\_\_\_\_

Da Jesus dat ei mo maletgs neginas \_\_\_\_\_

Siu bab Giusep fuva da professiun \_\_\_\_\_

Sia mumma haveva num \_\_\_\_\_

Els vivevan el marcau da \_\_\_\_\_

Jesus fageva termagls cun \_\_\_\_\_

Jesus ha schizun astgau ir a \_\_\_\_\_

Mintga scolar possedeveva mo in \_\_\_\_\_

Jesus era in num usitau tier ils \_\_\_\_\_

Cun 12 onns ei Jesus ius a \_\_\_\_\_

La veta dallas famiglias fuva \_\_\_\_\_

Mintga di fagevan las dunnas \_\_\_\_\_

Ins bueva bugen in migiel \_\_\_\_\_

Per magliar sesevan ins giun \_\_\_\_\_

Avon che magliar ha il bab \_\_\_\_\_

Ils hosps vegnevan tractai \_\_\_\_\_

Als hosps purschevan ins in \_\_\_\_\_

Jesus ha gidau biars \_\_\_\_\_

Ses amitgs numnavan ins \_\_\_\_\_

Sias historias anflan ins ella \_\_\_\_\_

Oz ei Jesus enonuschents sin \_\_\_\_\_

## **Zacontas damondas tier la veta da Jesus /**

Igl imperatur roman haveva num  
Da Jesus dat ei mo maletgs neginas  
Siu bab Giusep fuva da professiun  
Sia mumma haveva num  
Els vivevan el marcau da  
Jesus fageva termagls cun  
Jesus ha schizun astgau ir a  
Mintga scolar possedeva mo in  
Jesus era in num usitau tier ils  
Cun 12 onns ei Jesus ius a  
La veta dallas famiglias fuva  
Mintga di fagevan las dunnas  
Ins bueva bugen in migiel  
Per magliar sesevan ins giun  
Avon che magliar ha il bab  
Ils hosps vegnevan tractai  
Als hosps purschevan ins in  
Jesus ha gidau biars  
Ses amitgs numnavan ins  
Sias historias anflan ins ella  
Oz ei Jesus enconuschents sin

## **Finescha las construcziuns!**

**Sligiaziuns**  
**Augustus**  
**fotografias**  
**lennari**  
**Maria**  
**Nazareth**  
**ses amitgs ed amitgas**  
**scola**  
**cuisch**  
**gedius**  
**Jerusalem**  
**paupra**  
**paun**  
**aua**  
**plaun**  
**urau**  
**sco retgs**  
**dormitori**  
**carstgauns**  
**giuvnals**  
**Bibla**  
**igl entir mund**